



Lars Poulsen,
Inatsisartunut ilaasortaq
Siumut

InReach pillugu § 37 naapertorlugu apeqqummut 2023-177-imut akissut

Asasara Lars Poulsen

09-01-2024
Suliap normua: 2023 – 29190
ID. Normua. 90347757

InReach pillugu Inatsisartut Suleriaasianni § 37 naapertorlugu Naalakkersuisunut apeqquteqarsimavutit. Apeqqutigisatit uannut akisassanngortinneqarsimapput. Apeqqutigineqartut tullinnguuttuni ataasiakkaarlugit uteqqinneqarput akineqarlutillu.

Postboks 909
3900 Nuuk
Oqarasuaat.: (+299) 34 50
00
E-mail: box909@nanog.gl
www.naalakkersuisut.gl

Apeqquut 1 Attaveqaat qaammataasatigoortoq "InReach" suli atorreqarpa?

Akissut: InReach suli piunersooq pillugu apeqqutitut paasivara. Tassunga akissutaavoq aap.

Apeqquut 2. InReach'iminggaaniit sms nassiukkaanni ilumut Nunatsinni normorput atorlugu Tusass aqutigalugu utimut akissuteqarluni nassiussisinnaaneq suli periarfissaanerluni?

Akissummut ilanngussassanik Tusassimit pissarsisoqarsimavoq, imatut paasissutissiisumik:

"Siullertut ilisimatitsissutigineqassaaq Garmin, InReachimik atortunik pilersuisuusoq, atortunik oqarasuaatip normuiniik aalajangersimasunik normulinnik pilersuineq ajormat. Tamatuma kingunerisaanik InReachimik atortut aalajangersimasuunngillat atortorlu tiguisusaaq sumiinnersoq apeqqutaalluni allanngorsinnaasarlutik. Taamaattumik InReachimik atuisumut attaveqarniarluni normut taakku atorreqarnissaat innersuussutigingilavut, allakkat normunut taakkununga toqqaannartumik nassiunneqartut apuunnissaat qulakkeerneqarsinnaanngimmata. Naatsumik oqaatigalugu InReachimik atortut kalaallit normuiniut SMS-imik nassiussisinnaapput SMS-imilli akissummik tiguisinissaat qulakkeerneqarsinnaanani. Tusassip allanngortissinnaanngisaanik Garminip taamatut kiffartuussiniarluni aalajangersimanera tamatumunnga pissutaavoq.

Taamaattoq allakkanik tigusinissap qulakkeernissaanut periuseqarpoq. Taamaaliortoqarsinnaavoq mailikkut allakkanik imaluunniit Garminip Messenger App-ianik atuinikkut. Allakkat InReachimik atortunit tiguneqarnissaat qanoq qulakkeerneqarsinnaanersooq pillugu annertunerusumik linkimi uani atuarsinnaavat: [Sending a Message to an InReach Device | Garmin Customer Support](https://support.garmin.com/en-US/?faq=o4sYsXP4LC8KhFNWJEVPI7)
[<https://support.garmin.com/en-US/?faq=o4sYsXP4LC8KhFNWJEVPI7>].

InReachimik atortunik atuisut aallartinnermi atortunik tamatigut misilittaasarnissaat innersuussutitillu malillugit allakkat tiguneqarnissaasa qulakkeernissaat innersuussutigavut."

Apeqquut 2a. Tamanna periarfissaajunnaarsimappat, suna peqqutaava?

Akissut: Takuuk apeqquut 2-mut akissut.

Apeqquut 2b. Ajoqutaasup aaqqinneqarnissaanut suliaqartoqarpa?

Akissut: Takuuk apeqquut 2-mut akissut.

Neriuppunga matuma qulaani apeqquutitit akineqarsimassasut.

Inussiarnersumik inuulluaqqusillunga



Hans Peter Poulsen